

Region Nordhordland IKS - Styret si årsmelding 2021

Type verksemd og lokalisering

Region Nordhordland IKS er eit interkommunalt selskap som er eigd av kommunane Alver, Austrheim, Fedje, Gulen, Masfjorden, Modalen, Osterøy og Vaksdal. Selskapet har kontor i Knarvik.

Strategiske planar legg til grunn at selskapet skal jobba med marknadsføring av regionen, betring av kommunikasjonane, nærings- og arbeidsplassutvikling, og generelt jobba for meir effektiv forvaltning og tenesteproduksjon for kommunane gjennom interkommunalt samarbeid m.v.

Konkrete oppgåver selskapet utøver vert bestilt av Regionrådet Nordhordland, eller rådmannsutvalet i Nordhordland. Saker av større økonomisk betydning for medlemskommunane vert handsama av kommunestyra.

Selskapet har også i 2021 brukt mykje ressursar på byggjeprojektet Region Nordhordland Helsehus. Dette gjennom eit samarbeid med søsterselskapet Region Nordhordland Helsehus IKS.

Dei største og viktigaste oppgåvene selskapet elles har jobba med i 2021 er:

- Interkommunal plan for sjøareal i Nordhordland. Dette er eit arbeid som etter planen kjem til å vara ut i 2023.
- Nordhordland Unesco biosfæreområde
- Samhandling i helsesektoren, herunder ulike prosjekt som bl.a. fag- og tenesteutvikling i og rundt Region Nordhordland Helsehus, psykologprosjektet, og arbeidet med ny organisering helsefellesskap mellom kommunane og helseføretak
- Sekretariatsfunksjon for kontrollutval for sju kommunar
- Mange ulike prosjekt innan digitalisering og innovasjon i eigarkommunane
- Det har og vore arbeidd med andre viktige og strategiske oppgåver som t.d. E39 Vågsbotn-Klauvaneset, kraftforsyningssituasjonen i Nordhordland, regional næringsstrategi og utarbeidd diverse høyringsuttalar.
- Selskapet utfører sjølv administrative oppgåver som fylgjer av det å vera eit selskap, t.d. rekneskapsfunksjon

Rekneskapsmessig resultat

Rekneskapen viser eit mindreforbruk på kr 237 992,-. Styret foreslår at mindreforbruket vert overført til disposisjonsfondet. Drifta har vore finansiert av medlemsavgift frå eigarkommunane og prosjektinntekter. Styret meiner at årsrekneskapen gir eit rettvisande bilete av selskapet sine eigendelar og gjeld, finansielle stilling og resultat.

Likestilling/HMS

Selskapet har 11 tilsette (10,65 årsverk) pr. 31.12. fordelt på seks kvinner og fem menn. Det er ikkje gjort spesielle likestillingstiltak. Det er ikkje registrert skader på dei tilsette i 2021.

Arbeidsmiljø

Det sosiale arbeidsmiljøet vert rekna som godt.

Påverknad av det ytre miljø

Verksemda har ikkje vore til last for det ytre miljø. Det har vore normal avfallsmengd og ingen ureinande tiltak frå verksemda si side.

Grunnlag for fortsatt drift

Etter styret si vurdering er det grunnlag for fortsatt drift av verksemda.

Knarvik, 23. mars 2022



Håkon Matre
Styreleiar



Aashild Halland
Styremedlem



Kari Torkildsen Utkilen
Styremedlem/nestleiar



Rune Heradstveit
Dagleg leiar